

17

1622

285

4202

L A

F I E' V R E

des Huguenots
de France.

*O Insensé ! qui vous a enforcelé, que vous
n'obéissez à la vérité. S. Paul, Galat. 3.*



J

M. DC. XXII.

15
con
1722

Acc 83-10(285)

A. I.

THE UNIVERSITY OF CHICAGO

LIBRARY

1215 EAST 58TH STREET

CHICAGO, ILL. 60637

1978

1978-10-10



A MESSIEURS DE LA RELIGION
nouuellement Reformée.



ESSIEURS, des le mois de Iuin
dernier, ie vous ay fait voir le
plus succintement qu'il ma esté
possible de la folie des Hugue-
nots, non seulement proceder du
delaissemét qu'ils ont fait de l'E-
glise Romaine, conduite par le saint Esprit,
source de verité & sagesse, mais aussi de la mau-
uaise doctrine qui leur a esté enseignée par
Caluin.

Ie dy Messieurs qui leur a esté enseignée (&
non à vous) parce que depuis peu de iours i'ay
sceu par vn petit liuret publié sous le nō d'vn
Soldat passant, imprimé en ceste ville par l'Im-
primeur de vostre Consistoire: *Qu'il ne faut point
s'amuser à ce que dit Caluin, ne à l'instruction de vos
deux Ministres, Iean Carré & Paul Geslin, à cause que
s'ils ne disent selon que Dieu le commande vous auez
recours à l'Escriture sainte, pour les reprendre & voir
s'ils vous disent suiuant icelle.* Par ce discours i'ay
cogneu chez vous y auoir vne nouvelle doctri-

✦

ne contraire à Calvin, & à la confession de Foy que vous teniez y a vn an, qui establiſſoit des Pasteurs Docteurs, afin que la pureté & la doctrine eust son cours, & lesquels on deuoit honorer & escouter en reuerence pour se submittre à l'instruction commune qu'ils enseigneroient, & non pas les reprendre comme il est escrit en ce liuret : par lequel ne voulez vous soubmettre à aucun iugement des hommes, ne mesme à l'assemblée de la Rochelle que vous auez detestée depuis peu de mois par vos sings que vous auez volontairement mis au Greffe de ceste ville, afin que nul n'en pretendist cause d'ignorance.

C'est ce qui me fait estimer que vous auez changé de Religion, de ne croire ny à Calvin, ny à Beze, ny à Marot. Car lors que i'estois parmi vous ie n'ay point veu les escrits de Calvin vostre premier maistre tenu pour Appocryphes & dignes de reprehension : Au contraire i'ay veu expliquer publiquement au Temple, en forme d'Esriture sainte, le Catechisme de Calvin, enseignant que c'estoit la mesme doctrine que les Apostres enseignoient à leurs Disciples, i'ay veu vos Ministres auant de commencer le Presche lire publiquemēt les prieres Ecclesiastiques cōposées par le mesme Calvin, i'ay veu lors que i'auois des enfans à Baptiler, vostre Ministre lire entierement toute forme de faire le Baptesme selon la descriptiō de Calvin : I'ay veu & ouy lors que le Ministre faisoit les ceremonies du Mariage au Tēple, lire de bout

en bout tout le Formulaire, de faire le Mariage d'escript par Calvin : I'ay veu en faisant la Cene le Ministre lire entierement la forme de faire la Cene d'escripte par Calvin : I'ay veu vos Ministres publiquement prescher que vostre Confession de Foy auoit esté extraicte des liures de Calvin : I'ay veu que publiquement au Temple vous chantiez les Pseaumes de Dauid , mis en rithme par Clement Marot & Theodore de Beze, disciple de Calvin : I'ay certainement sceu & veu que celuy de vos Ministres qui porte en l'Anagrâme de son nom Latin *Lupus es Agnulis*, c'est à dire tu es vn Loup aux petits Agneaux, a estudié aux pieds de Theodore de Beze, disciple de Calvin , & en tient encor auiourd'huy par honneur en son cabinet le portraict, ou l'Image taillée en bosse, encor que ce soit contre vos Commandemens.

*Tailler ne te feras Image,
 D'aucune chose que ce soit,
 Si honneur luy faitts & hommage,
 Ton Dieu ialousie en reçoit.*

Et estant couuert d'vn fin cristal, le monstre à ses plus familiers, pour se faindre & chimeriquement s'imaginer avec luy les dons immenses qu'auoit receu Calvin precepteur de ce S. Personnage, auquel auât de mourir ou d'estre transporté au Ciel par ses merites, il donna la sagesse & don de prophetie, comme Helie fit à Helisee son disciple : I'ay veu que vous teniez Calvin pour vn prophete du Dieu viuant, voire la bouche mesme du

Seigneur, croyant qu'il auoit reformé l'Eglise selon la verité de l'Euangile, comme il est au Calendrier de vos Pseaumes, Imprimées à la Rochelle en l'an 1604. sur le iour du 27. Aoust, en ces mots. *La reformation selon la verité de l'Euangile fut mise en la cité de Geneue, l'an 1535.* Vous sçauetz tres-bien que c'est Calvin qui luy a mise, côme Beze le certifie, & aussi luy-mesme l'aduouë en vne sienne Epistre, disant, *i'ay eu charge du Senat de Geneue de dresser l'Eglise de Geneue & de la reformer.* Et ainsi par le dire de vos Ministres qui ont fait le Calendrier, & par leurs predications ordinaires, ie croyois avec vous Calvin estre *un saint irreprensible Theologien*, qu'il eust escript selon la verité de l'Euãgile, & qu'il failloit suiure le conseil de Beze, qui renuoye l'Eglise de Dieu aux liures de Calvin, pour y apprendre la vraye interpretation de l'Escriture sainte, ny ayant iamais eu homme qui ait plus dextrement exposé l'Escriture sainte que luy.

Ce n'est donc point à vous, Messieurs, à qui ie parle, qui auez comme i'ay faict quité la faulce doctrine de Calvin, pleust à Dieu que cé feust de pareille façon; ains ie parle à ces rebelles Huguenots Calvinistes, cantonnez par leur assemblée en la ville de la Rochelle, & de Mōtauban, lesquels avec les autres qui suiuent ceste faulce doctrine ont la Fièvre, comme il appera par la description qu'en donne Auicenne, Prince des Medecins Arabes. *Fièvre (dit-il) est vne chaleur estrangere (non ordinaire) allumée au cœur, & proce-*

dent d'iceluy avec l'aide de l'esprit & du sang, laquelle par les artères & venes est estendue par tout le corps. Ceste definition de Fièvre leur conuient en tous ces poinçts : car par *Chaleur* se peut entendre leur zele ardent & brûlant, qu'ils disent sans apparence auoir, comme il est porté en leur Pseumes sur la fin du Formulaire d'administrer la Cene: (*par estrangere*) leur mission estrangere ou extraordinaire descrite en leur Confession de Foy, article 31. (*Allumée au cœur*) c'est à dire en l'Eglise Romaine, qui est le cœur spirituel, source de vie eternelle, comme le cœur charnel est la source de vie temporelle: (*& procedent d'iceluy*) c'est à dire procedent ou sortant d'icelle Eglise: (*avec l'ayde de l'esprit*) c'est à dire avec l'ayde de leur S. Esprit descript en leur Cōfession de Foy, art. 4. *& du sang (& du glaiue) laquelle par les artères & venes est estendue par tout le corps*): c'est à dire, lequel zele par leurs escrits & simulations est estendu par toute la France. Voilà leur Fièvre definie par Analogie, suiuant ce grand Docteur Auicenne, sçauoir est vn zele ardent estrange, allumé en l'Eglise Romaine, & sortant d'icelle avec l'ayde d'vn faux saint Esprit & des guerres : lequel zele par escrits & simulations est estendu par tout la France.

La verité de ceste definition paroist, en ce que ceux qui estoient au commencement de leur reformation par vn zele ardāt, & qui ne leur estoit coustumier, ainsi qu'ils disent sortirēt de l'Eglise Romaine, conduict̄s en l'Europe extraordi-

nairement leur mission de prescher par leur supposé saint Esprit, & suscitons chacun en son quartier, guerre & diuisions: comme au-iourd'huy tres-bié scauez de Bethlegem Bogor Pologne, le Comte Palatin de Rhein, leur Roy en Boheme & Allemagnes, leurs Ministres de Geneue, avec d'Aubigny leur Secretaire & Hy-storien en Suisse: les Estats de Hollande, avec quelqu'vn R. de leurs Ministres aux basses Al-lemagnes: les Puritains leurs compagnons en Angleterre & Escosse: Ces Huguenots de Fran-çe ont suiuy leur maistre Caluin qui a faict peindre au bout de ses opuscles, Imprimées à Geneue l'an 1552. vne longue espée soustenuë par deux bràs, l'vn desquels representoit Cal-uin faisant guerre en France, & l'autre bras re-presentoit Iean Cnox son disciple bouleuersant l'Escosse & l'Angleterre, & le tout, & l'espée, & le bras est entourné de charbon ardent, feu & flamme, avec ceste deuise, *non venit ut mitterem pacem in terram sed gladium*, de laquelle deuise & peinture ils en ont tousiours retenu l'Image, comme à fort bien escrit vn Sage personnage, leur faisant vne remonstrance en ces mots.

Vous n'avez pas esté si tost éclos en France, que vous auez attenté sur la personne des Prin-ces, au tumulte d'Amboise, lequel assoupy, vous vous estes soudain emparez de plusieurs places de ce Royaume, sans aucune consideration ne respect de sa Majesté, ny du repos de cet Estat. Vous auez changé la maniere du gouuernemēt
és villes

9
és villes par vous empietées. Vous avez esleu des Chefs pour commander à vos armées, leuées sans aucune permission, qui ont eu l'audace d'attaquer les troupes de nos Roys en plusieurs batailles, voire leurs personnes à Meaux, & à saint Germain en Laye: vous avez tenu tous les ans des Assemblées seditieuses contre la Majesté, és endroicts par vous destinez: vous avez remply toutes les Prouinces de ce Royaume de partialitez, & avez par vos armes tellement aigry, acharné & animé le cœur de vos Concitoyens à l'encontre de vous, qu'à vray dire vous avez esté la cause de tous les maux qui sont suruenus depuis.

Vous avez par vos rebellions terny la splendeur & le lustre des regnes de plusieurs de nos Roys: En fin vous avez tasché de toute vostre puissance de détruire ceste Monarchie: C'est ce qu'en dit ce personnage qui a obmis les leuées des deniers, & fontes d'Artillerie sans permission du Roy, l'intelligence qu'ils ont avec l'estranger, & leurs liures plains de sedition: comme le Theatre de l'Antechrist, le Mystere d'Iniquité, ou Histoire de la Papauté, la Chasse à la grande beste Romaine; & autres telles trompettes de guerre.

Voilà leur maladie, leur Fièvre qui a causé à Calvin & à ses sectateurs de faire vne nouvelle Theologie, vne nouvelle Eglise, des nouveaux Prophetes, des nouveaux Apostres. Il dit que *Luther est un excellent Apôstre de Christ*: Beze dit que

Caluin est vn Theologien & irreprehensible Prophete, voire la bouche du Seigneur. Le mesme Beze appelle Cnox Apostre des Escossois.

Sont ces gens dont par leur Cõfession de Foy, article 31. que Dieu a suscitée d'vne façon extraordinaire pour dresser l'Eglise de nouveau.

Sainct Paul dit, que nous sommes edifiez sur le fondement des Prophetes & Apostres, Iesus-Christ estant la maistresse pierre du coin : en qui tout l'edifice raporte & adiouste ensemble, se leue pour estre vn temple sainct au Seigneur. Voilà par sainct Paul la structure de l'Eglise qui iamais n'a disparu, à cause que le bastiment est esleué en Iesus-Christ, maistresse pierre sur le fondement des Apostres & des Prophetes. Ce bastiment est l'Eglise Romaine qui a tousiours esté haut esleuée, veüe de tout le monde, & qui à cause de sa pierre angulaire ne peut estre ruynée : C'est ceste Eglise qui n'est pas dressée de nouveau par des Prophetes & Apostres nouveaux, cõme est la Religion reformée Caluinique, les Autheurs de laquelle auoient vne Fièvre chaude phrenetique, faisant vn bastiment nouveau de la Religion, sans vne maistresse pierre de coin pour tenir lié le bastimét, & empescher qu'il ne creuasse & se déjoigne, comme on void aujourd'huy leur bastimét de Religion tellemét déjoint, creuassé & des-vny de toutes parts, que bien-tost il tombera en ruyne & desolation, si leur Dieu ny met la main, qui est empesché aux affaires d'Allemagne, & harassé de celle de Flãdre, Hollande & Frize.

Ceste mesme Fièvre phrenetique à fait dire à Calvin qu'il ny a point de lieu, où les Diables soient enclos & endurent aujourd'huy, & qu'il ny a point de vray feu pour les tourmèter: Je demande donc à ces Calvinistes que deuiennét les ames des mal-heureux, ils respondét par le mesme Calvin, que cependant que les ames reprobuez attendent le terrible iugement de Dieu contre elles, elles sont tourmentées seulement de ceste attante: Est-ce pas clairement monstrier qu'il ny a point d'Enfer, veu qu'il ny a point d'Enfer, veu qu'il ny a ne lieu ne feu ne peine: Et pour les ames des bien-heureux, Calvin dit, que la gloire d'immortalité leur est differée iusques au iour de la Redemption: Ce qu'il appelle gloire d'immortalité, c'est la felicité eternelle qui leur est differée & prolongée iusques au grand Iugement, qu'il appelle iour de Redemption: auquel iour les mal-heureux seront condamnez avec peine, & les bien-heureux seront iugez pour demeurer en la gloire d'immortalité avec ioye, tellement que par sa Theologie il ny auroit ny Enfer ny Paradis, & toutes les ames qui sont decedées depuis Adam iusques à aujourd'huy, & qui decederont cy-apres iusques à la fin du monde ont souffert & souffriront mesme peine qui est l'attente seulement du dernier iugement.

Le mesme Calvin pouffé par sa Fièvre, dit que la liberté promise en l'Euangile ne reconnoist ne Roy, ne maistre entre les hommes, mais se tient à vn seul Iesus-Christ.

Ce qui a causé depuis que les Roys & Souuerains ne veulent admettre la croyance de Caluin comme il appert en Angleterre, où les Puritains Calvinistes en partie sôt appellez par leur Roy, *Esprits fanatiques, pariures, perfides, ne respirants rien que sedition & calomnie, gens malins obstinez, resistans aux loix des Royaumes furieux & boute-feux qui ne veulent ceder aux puissances inferieures.*

Voilà Messieurs vne doctrine qui monstre clairement que les Calvinistes Huguenots ou Reformez de France, ont vne fièvre phrenetique, resuent radotent, & ne sçauent ce qu'ils disent, lesquels pour cacher leur resuerient se targent & couurent de l'Escripiture sainte, Et cependant ils ont vne doctrine qui y est du tout contraire, car ils croient que par la cheute d'Adam nous auons perdu le franc arbitre: Moyse est contraire, disant, i'ay mis deuant toy la vie & la mort, la benediction & la malediction, *choisis donc la vie, afin que tu viues*: Ils disent qu'il ne faut confesser son peché qu'à Dieu seul, le contraire est aux Actes chap. 19. v. 18. plusieurs de ceux qui auoient creu, venoient confessans & declarans ce qu'ils auoient fait: ils se mocquent de la procession du saint Sacrement qui se fait à la feste Dieu: la verité en paroist au Pseaume 68. selon la rithme.

*O Dieu cheminer on te veut,
Mon Dieu mon Roy & apperceu
Marcher avec ton arche,
Chantre te deuançoient de pres,*

*Les ioïeurs d'instrumens apres
Marchoient d'une démarche.*

Ils disent que les vœus Monastique sont procedée de la boutique du Diable: le contraire est aux Actes, chap. 18. v. 18. Sainct Paul apres le Synode de Hierusalem se fait raire la teste, *car il auoit veu*: Ils disent que la Foy seule iustifie, sainct Paul dit le contraire, quand i'auroy toute la Foy: tellement que ie transportasse les montagnes, & ie n'aye point de charité, ie ne suis rien: Ils disent que tous pechez sont mortels, le contraire est en sainct Iean 1. Epist. chap. 5. v. 17. toute iniquité est peché, *mais il y a quelque peché qui n'est point à mort*. Ils disent que chacun n'a pas son bon Ange: le contraire paroist en sainct Mathieu, ie vous dis que *leurs Anges voyent tousiours es Cieux la face de Dieu mon Pere*, Ils disent que chacun doit estre assureé de son salut, & tenir pour certain qu'il est du nombre des predestinez: S. Paul Philipp. chap. 2. v. 12. est contraire, *operez vostre salut avec crainte & tremblement*, & de vray il paroist assez de frenesie en cecy, car sont ils plus assurez de leur salut qu'estoit Lucifer au Ciel avec sa cheute: qu'Adam au Paradis terrestre: que Iudas en la compagnie du Sauueur, que S. Paul disant ie ne me sens en rien coupable, mais pour cela ie ne suis pas iustificié: ains celuy qui me iuge c'est le Seigneur. Ils disent que la defence de l'vsage des viandes est procedée du diable. Esaye 22. v. 12. & 13. est contraire, disant Dieu vous auoit appellez à pleurs & ge-

missément, & à rendre le sac, & voicy ioye & liesse, on tuë les bœufs, on escorche les moutôs, on mange de la chair, ils disent que la confession auriculaire est procedée du diable, S. Iacques dit le contraire chap. s. v. 16. confessez vos pechez l'un à l'autre.

Ne voila pas Messieurs leur Fièvre bien cogneü pour frenetique parfaicte & proche de manie de directement s'opposer à la volonté de Dieu en preschât & enseignant choses contraires à sa parole, escrite pour en apres pour la consideration de leur mauuaise vie, & par la confusion de leurs cœurs endurcis à l'exemple de Iudas, ne pouuoit faire autre chose que se precipiter & s'abbattre en desespoir comme s'ils estoïët desia aux abismes de l'enfer avec tous les diables en l'estang du feu, & de souphre où il y a pleurs & grincement de dents perpetuel. Ainsi qu'eux mesmes cōfessent en leurs prieres en ces mots. *Ainsi Seigneur en considerans toute nostre vie nous sommes confus en nos cœurs, & ne pouuons au tre chose sinon nous abattre, & desesperer, comme si nous estions desia és abismes de mort.*

Qu'ils recognoissent d'oc au nom de Dieu leur maladie, comme Celse l'a décrit au chap. de Insania, disant *perfecta est ubi mens vanis imaginibus addicta est*, il donne aussi les remedes pour la guerir, & dit *eos vincere conuenit qui violentius gerunt* (les ayant prins, subauditur) *& antiqui tales agros in tenebris babebant Asclepiades perinde esse dixit hu sanguinem mitti ac si prucidentur, & interposito die*

conuenit caput ad cutem radere.

I'ay des remedes en ma boutique pour guerir la phrenesie, qui sont plus doux, plus gratieux, & de meilleur goust que ceux qu'ordonne Celse, lesquels ie vous communiqueray quand il vous plaira me faire ce bien de me récrire, pour vous en ayder en cas de necessité. En attendant de vos nouvelles, ie prieray le Seigneur qu'il vous benisse & vous conserue, qu'il face luire sa face sur vous, & vous maintienne en bonne paix & prosperité.

F I N.

The first part of the paper
 is devoted to a general
 description of the
 country and its
 resources. The second
 part is a detailed
 account of the
 various industries
 and occupations
 which are pursued
 in the different
 parts of the
 country. The third
 part is a
 description of the
 climate and the
 seasons. The fourth
 part is a
 description of the
 population and
 the manners and
 customs of the
 people. The fifth
 part is a
 description of the
 government and
 the laws of the
 country. The sixth
 part is a
 description of the
 commerce and
 the trade of the
 country. The seventh
 part is a
 description of the
 military and
 naval forces of the
 country. The eighth
 part is a
 description of the
 education and
 the sciences of the
 country. The ninth
 part is a
 description of the
 arts and
 manufactures of the
 country. The tenth
 part is a
 description of the
 history and
 the events of the
 country. The eleventh
 part is a
 description of the
 geography and
 the topography of the
 country. The twelfth
 part is a
 description of the
 natural history and
 the minerals of the
 country. The thirteenth
 part is a
 description of the
 agriculture and
 the husbandry of the
 country. The fourteenth
 part is a
 description of the
 fisheries and
 the hunting of the
 country. The fifteenth
 part is a
 description of the
 minerals and
 the metals of the
 country. The sixteenth
 part is a
 description of the
 plants and
 the animals of the
 country. The seventeenth
 part is a
 description of the
 diseases and
 the medicines of the
 country. The eighteenth
 part is a
 description of the
 laws and
 the customs of the
 country. The nineteenth
 part is a
 description of the
 manners and
 the customs of the
 country. The twentieth
 part is a
 description of the
 government and
 the laws of the
 country.

1773